

**VII RADNA SJEDNICA UPRAVNOG ODBORA
Javne ustanove Bosansko narodno pozorište Zenica**

Z A P I S N I K

MJESTO: zgrada Javne ustanove Bosansko narodno pozorište Zenica,
Trg Bosne i Hercegovine broj 3, Zenica,
II sprat, Kancelarija broj 45
DATUM: srijeda, 24. 05. 2023. godine
VRIJEME: 16.00 h

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 6. radne sjednice;
2. Kraći izvještaj o realiziranim i planiranim programsko-poslovnim aktivnostima, gostovanjima predstava JU BNP Zenica, kao i pripremi *XXII festivala bh. drame Zenica 2023.* – *izvjestilac:* direktor JU BNP Zenica;
3. Dostava na uvid i usvajanje godišnjeg finansijskog izvještaja i izvještaja neovisnog revizora za 2022. godinu;
4. Donošenje odluke o objavi javnog oglasa za zakup prostora Kabare kluba, nakon potpisivanja i stupanja na snagu Pravilnika o dugoročnom zakupu prostora;
5. Informacija o pokretanju postupka javne nabavke za sanaciju ravnog krova na zgradi JU Bosansko narodno pozorište Zenica – *izvjestilac:* direktor JU BNP Zenica;
6. Dostava Odluke broj: 462/23 sa zahtjevom za saglasnost o pokretanju postupka za prijem u radni odnos na radno mjesto - *dramaturg*;
7. Razno.

1. Usvajanje Zapisnika sa 6. radne sjednice;

ZAKLJUČAK: Upravni odbor JU BNP Zenica jednoglasno usvaja Zapisnik sa šeste radne sjednice, koji je prethodno dostavljen elektronskim putem.

2. **Kraći izvještaj o realiziranim i planiranim programsko-poslovnim aktivnostima, gostovanjima predstava JU BNP Zenica, kao i pripremi *XXII festivala bh. drame Zenica 2023.* – *izvjestilac:* direktor JU BNP Zenica;**

ZAKLJUČAK: Direktor JU BNP Zenica obavještava Upravni odbor da je i ove godine JU Bosansko narodno pozorište Zenica domaćin dijela programa u okviru 26. Međunarodne kulturne manifestacije „Zeničko proljeće“ Zenica 2023., od toga 6 dramskih programa, uključujući i dvije premijere u vlastitoj produkciji, „Drama o Mirjani i ovima oko nje“ u režiji Nermina Hamzagića i „Sve to je iz kuće“ u režiji Ajle Bešić. Takođe, planirana je izvedba 6 koncertnih sadržaja i postavka 1 izložbe.

Dio sredstava, osim za realizaciju navedenih programa, Grad Zenica je odobrio i za potrebe održavanja Smotre dramskog stvaralaštva.

Od gostujućih teatarskih programa, izvedena je predstava „Šund naš svagdašnji“ u produkciji ADAM scene iz Zagreba, zatim predstava „Partija remija“ u izvedbi Mugdima Avdagića i Fakete Salihbegović-Avdagić (nakon odustanka od učešća izvođača iz Tuzle), te predstava u produkciji SARTR-a, „Totovi“, u režiji Urbana Andrasa.

Ukupan iznos sredstava Grada Zenica dodijeljenih na ime realizacije teatarskog dijela programa 26. MKM „Zeničko proljeće“ iznosi =30.000,00 KM. Dio sredstva JU Bosansko narodno pozorište Zenica uplaćuje na ime troškova izvedbi gostujućih predstava, a preostali dio od ≈20.000,00 KM namijenjen je za pripremu i realizaciju programa u produkciji BNP Zenica.

Što se tiče pripreme i održavanja ovogodišnjeg *XXII festivala bh. drame Zenica 2023.*, u Takmičarskom programu planirana je izvedba 6 predstava, jedna predstava u produkciji BNP Zenica „Sve to je iz kuće“ uz 10 pratećih programa raznovrsnog sadržaja. Izvedba predstave u produkciji NP Mostar u okviru Takmičarskog programa realizira se na osnovu ugovora o razmjeni gostovanja i reciprocitetu, odnosno uzvratnom gostovanju BNP Zenica na festivalu „Mostarska liska“.

Prema procjeni, finansijski zahtjevi *XXII festivala bh. drame* obuhvataju iznos od ≈37.000,00 KM, a najveći dio sredstava oko ≈24.000,00 KM su troškovi izvedbe gostujućih predstava (naknade i troškovi smještaja, ishrana i drugo). Najveći dio sredstava potreban je za gostovanje ansambla ATELJE 212 iz Beograda, ≈6.000,00€ uz troškove smještaja za oko 30 osoba.

Na ime organizacije svečanih večeri nakon festivalskih izvedbi, planirani su troškovi ≈4.000,00 KM, odnosno ≈2.500,00 KM na ime nabavke usluga cateringa - ishrane i ≈1.500,00 KM za troškove nabavke pića.

Najveći dio dodatnih troškova obuhvataju troškovi hotelskog smještaja i iznose ≈6.320,00 KM, dok troškovi marketinga i reklamnih aktivnosti iznose ≈2.000,00 KM.

Direktor JU BNP Zenica informiše Upravni odbora da su sredstva za realizaciju *XXII festivala bh. drame Zenica 2023.* obezbijedena, te da je i dodatno aplicirano na namjenska sredstva fondova i javnih poziva, prema redovnoj praksi, tako da je moguće da se i po ovom osnovu obezbijedi dio sredstava.

3. Dostava na uvid i usvajanje godišnjeg finansijskog izvještaja i izvještaja neovisnog revizora za 2022. godinu;

ZAKLJUČAK: Upravni odbor JU BNP Zenica načinio je uvid u godišnji finansijski izvještaj i izvještaj neovisnog revizora za 2022. godinu, prethodno dostavljenog elektronskim putem, te ovim putem isti jednoglasno usvaja.

4. Donošenje odluke o objavi javnog oglasa za zakup prostora Kabare kluba, nakon potpisivanja i stupanja na snagu Pravilnika o dugoročnom zakupu prostora;

ZAKLJUČAK: Nakon stupanja na snagu Pravilnika o dugoročnom zakupu prostora, bit će donešena odluka o objavi javnog oglasa za zakup prostora Kabare kluba. Na prijedlog predsjednice Upravnog odbora JU BNP Zenica u odredbe ovog Pravilnika uvrštava se i član kojim se u nadležnost Upravnog odbora propisuje kontrola rada i poslovanja u iznajmljenim prostorima.

Takođe, usvaja se prijedlog direktora JU BNP Zenica i člana Adis M., o uslovu da zakupac vrati prostore Kabare kluba u prvobitni originalni izgled, naročito u dijelu koji se odnosi na vraćanje balkonskog prostora.

5. Informacija o pokretanju postupka javne nabavke za sanaciju ravnog krova na zgradi JU Bosansko narodno pozorište Zenica – izvjestilac: direktor JU BNP Zenica;

ZAKLJUČAK: Prema informaciji direktora JU BNP Zenica, dana 09. 05. 2023. godine nadležna služba Grada Zenica objavila je obavještenje o nabavci radova za sanaciju krovnih ploha zgrade JU Bosansko narodno pozorište Zenica. Rok za dostavu ponuda jeste 08. 06. 2023. godine. Nakon okončanja postupka javne nabavke i izbora najpovoljnijeg izvođača, radovi bi trebali biti izvršeni u roku od 4 mjeseca. U slučaju eventualnog upućivanja žalbe u postupku, može doći do određenog kašnjenja u provedbi radova.

6. Dostava Odluke broj: 462/23 sa zahtjevom za saglasnost o pokretanju postupka za prijem u radni odnos na radno mjesto - dramaturg;

ZAKLJUČAK: Uslijed smrti radnika Hasana Džafića, koji je obavljao poslove radnog mjesta dramaturg, isto je ostalo upražnjeno te je potrebno provesti prethodni postupak dobivanja saglasnosti kantonalnih tijela, a zatim osnivača, radi objave javnog oglasa za prijem u radni odnos.

Nadležnom Ministarstvu ZDK-finansijeru upućena je i obavijest radi oduzimanja dijela namjenskog mjesečnog iznosa u visini plaće i pripadajućih naknada u vezi sa navedenim radnim mjestom.

Upravni odbor JU BNP Zenica daje jednoglasnu saglasnost na Zahtjev za saglasnost o pokretanju postupka za prijem u radni odnos na upražnjeno radno mjesto – dramaturg (broj: 488/23) po donošenju Odluke o potrebi zasnivanja radnog odnosa (broj: 462/23).

7. Razno

ZAKLJUČAK 1: Direktor JU BNP Zenica obavještava da je, s obzirom na nedavni požar koji se desio u JU „Dom za stara lica“ Zenica, najavljena kontrola i inspekcija protivpožarnih mjera i propisa. Prema prethodnom Rješenju Inspektorata za zaštitu od požara i eksplozija, ispunjene su sve naložene mjere, izuzev jedne. U narednom periodu će se raditi na unapređenju protivpožarnih mjera, a poseban problem predstavlja rješavanje požarnog puta oko zgrade JU BNP Zenica, o čemu je govoreno na prethodnim sjednicama Upravnog odbora. Trenutno postoji prilika da se navedeno pitanje konačno riješi.

ZAKLJUČAK 2: Direktor JU BNP Zenica obavještava Upravni odbor JU BNP Zenica da je predstavница baletnog studija – predsjednica Udruženja „Umjetnost-ARS“ potpisala Sporazum o kratkoročnom nastavku poslovno-umjetničke saradnje, sa trajanjem do 30. 6. 2023. godine.

U narednom periodu postoji mogućnost isplate dugovanja Udruženja „Umjetnost-ARS“ putem kompenzacije usluga, o čemu će Upravni odbor JU BNP Zenica biti blagovremeno obaviješten.

Svakako, naredno produženje prethodnog najma i poslovno-umjetničke saradnje uvjetovano je izmirenjem dugovanja na ime neisplaćene zakupnine.

ZAKLJUČAK 3: Direktor JU BNP Zenica obavještava Upravni odbor da će prema nadležnom Ministarstvu ZDK biti upućen dopis koji se odnosi na vrijednost koeficijenata plaće radnika BNP Zenica u narednoj godini, a uz to planirana je i dostava zahtjeva za uvećanje/dopune broja finansiranih radnih mjesta. S obzirom na uočen nedostatak i stalnu potrebu u dijelu koji se odnosi na održavanja zgrade, što zahtjeva dodatni angažman firmi i osoba, neophodno je zapošljavanje najmanje 2 osobe zanatske struke za obavljanje navedenih poslova.

ZAKLJUČAK 4: U narednom periodu, jedan od prioriteta je usvajanje Pravilnika o radu sa sistematizacijom radnih mjesta kao i Pravilnika o disciplinskoj odgovornosti.

Upravni odbor JU BNP Zenica prima na znanje prethodno dostavljene informacije u okviru ove tačke dnevnog reda.

Sjednica je zaključena u 17.10 h.

ZAPISNIČARKA

 **PREDSJEDNICA UPRAVNOG ODBORA
JU BNP ZENICA**


Selma Tabaković-Jašar


Una Kulenović

Zapisnik je sačinjen na tri (3) numerirane stranice.

Zenica, 29 . 05 . 2023. godine
Broj: 523 /23